



উপজেলা পরিক্রমা

20 FEB 1987 ফকিরহাট

ফকিরহাট (বাগেরহাট), ১৯ ফেব্রুয়ারী (সংবাদদাতা)।— ফকিরহাট বাগেরহাট জেলার একটি উপজেলা। যোগাযোগ ও অন্যান্য বিভিন্ন দিক দিয়ে ফকিরহাট উপজেলার অবস্থান অত্যন্ত গুরুত্বপূর্ণ। খুলনা বিভাগীয় ও জেলা সদর হতে ৮ মাইল পূর্বে এবং বাগেরহাট জেলা সদর হতে ১১ মাইল পশ্চিমে ফকিরহাট উপজেলা অবস্থিত। এই উপজেলার উত্তরে মোল্লাহাট উপজেলা ও দক্ষিণে রামপাল ও মোংলা উপজেলা। মোট আয়তন ৬২ বর্গমাইল। ইউনিয়ন ৮টি, গ্রাম ৭৩টি, পরিবার ১৭,৭৯০টি, লোকসংখ্যা ১,০০,৫২৬ জন।

কৃষি

ফকিরহাট উপজেলার শতকরা ৮৫ জন কৃষিকারী। মোট আবাদযোগ্য জমি ৩১,২২৭ একর। সেচ এলাকা ৭৮৫ একর; ধান, পাট, কলাই, মুসুড়ী, সরিষা, নারকেল, সুপারী ও পান এই উপজেলার প্রধান প্রধান উৎপাদিত ফসল। সেচ সুবিধার জন্য রয়েছে অগভীর নলকূপ ১৩টি ও পাওয়ার পাম্প আছে ১২টি।

শিক্ষা

ফকিরহাট উপজেলার শিক্ষা ব্যবস্থা মোটামুটি উন্নত। শিক্ষিতের হার ৩৫% ভাগ। ডিগ্রী কলেজ ১টি, সরকারী উচ্চ বালক বিদ্যালয় ১টি, সরকারী উচ্চ বালিকা বিদ্যালয় ১টি। বেসরকারী উচ্চ বিদ্যালয় ১৪টি, বেসরকারী উচ্চ বালিকা বিদ্যালয় ৪টি, নিম্ন মাধ্যমিক বিদ্যালয় ৬টি, সিনিয়র মাদ্রাসা ১টি, দাখিল মাদ্রাসা ১টি, ফোরকানিয়া মাদ্রাসা ২৫টি ও প্রচুর সংখ্যক এবতেদায়ী মাদ্রাসা আছে। সরকারী প্রাথমিক বিদ্যালয় ৫৩টি, বেসরকারী প্রাথমিক বিদ্যালয় ১৫টি।

যোগাযোগ

ফকিরহাট উপজেলার যোগাযোগ ব্যবস্থা

উন্নত। বাগেরহাট জেলা সদরের সাথে সরাসরি সড়ক, রেল ও নৌপথে যোগাযোগের উন্নত ব্যবস্থা আছে। এ ছাড়া এ উপজেলা সদরের সাথে সড়ক পথে মোংলা বন্দর, মোল্লাহাট, কচুয়া উপজেলা ও পিরোজপুর জেলার যোগাযোগ রয়েছে।

চিকিৎসা

ফকিরহাট উপজেলার চিকিৎসা ব্যবস্থা উন্নত নয়। উপজেলা সদরে ৩১ শয্যা বিশিষ্ট ১টি হাসপাতাল আছে। সেখানে প্রয়োজনীয় ওষুধ ও চিকিৎসা ব্যবস্থা নেই। এখানে, এম্বুলেন্স ও অন্যান্য চিকিৎসা সরঞ্জামের অভাবে জনসাধারণ জরুরী চিকিৎসার জন্য খুলনা ও বাগেরহাট শহরে যেতে বাধ্য হয়। উপজেলায় স্বাস্থ্য উপকেন্দ্র ১টি, পরিবার পরিকল্পনা ক্লিনিক ৬টি, মাতৃকেন্দ্র ৪০টি এবং দাতব্য চিকিৎসালয় ১টি।

হাটবাজার

বৃহত্তর খুলনা তথা দক্ষিণ বাংলায় ফকিরহাট একটি ঐতিহ্যবাহী ও প্রাচীন বাণিজ্য কেন্দ্র। খুলনা শহর, বাগেরহাট ও মোংলা বন্দরের সাথে সরাসরি যোগাযোগের ভাল ব্যবস্থা থাকায় এখানে দিন দিন ব্যবসা-বাণিজ্যের প্রসার হচ্ছে। সুপারী ও নারকেল এখানকার প্রধান দু'টি বাণিজ্য পণ্য। এখানে সুপারী ও নারকেলের কয়েকটি বড় আড়ৎ আছে। এখান হতে উত্তর বঙ্গের নারকেল ও সুপারীর চাহিদার একটি বড় অংশ চালান হয়।

বিদ্যুৎ

ফকিরহাট উপজেলা সদর ছাড়াও ৩৮টি গ্রাম বিদ্যুতায়িত হয়েছে। তবে বিদ্যুৎ বিক্রয় একটি নিয়মিত ব্যাপার হয়ে দাঁড়িয়েছে। এখানে ১টি বিদ্যুৎ স্ট্যান্ডেশন ও আবাসিক প্রকৌশলীর ঠিকানা রয়েছে।